

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
KANTONALNI SUD U SARAJEVU
Broj:009-0-Su-15-000116
Sarajevo, 23.01.2015.godine**

Na osnovu člana 7. Pravilnika kojim se reguliše procedura vršenja obrade sudskih akata na internetu, i člana 31. Zakona o sudovima u Federaciji Bosne i Hercegovine („Službene novine F BiH“ broj 38/05, 22/06, 63/10, 72/10 i 7/13), predsjednik Kantonalnog suda u Sarajevu donosi:

UPUTE
o načinu anonimizacije saopštenja za javnost i sudskih presuda/odluka

Član 1.
(Pojam)

Anonimizacijom se vrši zamjena i ispuštanje podataka u saopštenjima za javnost i sudskim presudama/odlukama objavljenim na web stranici Suda ili na drugi način distribuirani medijima i široj javnosti.

Anonimizacijom nije obuhvaćen raspored suđenja.

Član 2.
(Ime i prezime)

Riječi od kojih se sastoji ime i prezime zamjenjuju se inicijalima - velikim početnim slovima sa tačkom (Petar Petrović - P. P.)

Ako ima više lica sa istim inicijalima uz svaki se dodaje redni broj bez tačke (P. P. 1; P. P. 2...)

Član 3.
(Nazivi pravnih lica)

Nazivi pravnih lica, privrednih subjekata, udruženja i slično zamjenjuju se velikim početnim slovom - inicijalom riječi koja čini naziv i skraćenom oznakom oblika privrednog subjekta sa tačkama ("Sloga" d.o.o.- S. d.o.o.; Javno komunalno preduzeće "Sarajevo" - Javno komunalno preduzeće S.)

Član 4.
(Nazivi državnih organa i ustanova)

Nazivi državnih organa, organa teritorijalne autonomije i lokalne samouprave ili ustanove zamjenjuju se jednom riječju koja označava pravni oblik tog organa, odnosno inicijalom ako se naziv označen navodnicima (Republički hidrometeorološki zavod - zavod; Osnovna škola "Aleksa Šantić" - škola A.Š.)

Član 5.
(Adresa i mjesto rođenja)

Adresa i mjesto rođenja zamjenjuju se tako što se naziv mjesta zamjenjuje početnim velikim slovom iz naziva mjesta sa tačkom, a ulica, broj i druge oznake se izostavljaju. U slučaju da se naziv mjesta sastoji iz više riječi one se zamjenjuju početnim slovima sa tačkama, a ako su za više mjesta početna slova ista, razlikovanje se vrši dodavanjem rednih brojeva uz inicijale (Sarajevo- S.; Travnik, Tuzla- T.1, T.2)

Član 6.
(Datum rođenja)

Datum rođenja zamjenjuje se tačkicama (datum rođenja...; rođen...)

Član 7.
(E-mail i web adresa)

E-mail i WEB adresa zamjenjuju se tačkicama (E-mail:mujo.mujić@hotmail.com- E-mail...; www.pravosudje.ba - www...)

Član 8.
(JMB)

Jedinstveni matični broj građana zamjenjuje se oznakom - JMB sa tačkicama (JMB: 1112950567890 - JMB...)

Član 9.
(Lična dokumenta i podaci o registarskom broju vozila)

Brojevi ostalih ličnih dokumenata se izostavljaju s tim što se navodi vrsta dokumenta a broj zamenjuje tačkicama (lična karta broj L-111222 - lična karta ...)

Podaci o registarskom broju vozila - brojčani dio registarske oznake zamijenjuje se tačkicama (123-H-123 - ...H...)



Predsjednik suda

Elmin Jahjačević
Elmin Jahjačević